

# Nunakakaakhimayut Kimilguugutait – Nunavumi Inuit Ilangit, 2022

Takuyakhait 8:30ni, Kivataanit ubluanik The Daily, Wednesday, Niqiliqivik 14, 2024

Nunavut hanayauhimayuk Qitiqqautiyuq 1mi, 1999, ilauplutik “Nunavumi Nunataagutini” kitkanit Inuit Nunavumit ovalo Kavamatukatkut. Pinahuaktainik Ilangani 23 Nunataagutini amigainahualugit Inuit ilaukatauyunik kavamatkuni Nunavumi Aatjikutainut ilanganut.


Iniktigutait 2022mi Nunakakaakhimayut Kimilguugutait – Nunavut Inuit Ilanganit (IPS–NIS) tunihimayut tuhagutikhainik pilaaktainik, ilauyumayunik ovalo paknaiyautikhainik Nunavumi Inuit (Inuit ilaukatauyunut ataanit Nunataagutainut) havaagutikhainik kavamatkuni Nunavumi. Iluanit ilanganit havakatigiilugit kitkanit Nunavut Tunngavikkut, Kavamatkut Nunavumi, Pilimmaksaivik (Kavamatukatkut Havakviit Nakuutiagutikhainik Inunut Havaktut Nunavumi). Havaagutikhait ovalo Inuligiyyit Kanatami ovalo Katitigutait Kanatami.

Pinahuaktait Inugiagutainik IPS–NIS Nunavumi Inuit Kanatami ukiukaktut 15nik ovalo avataanut. Iniktigutait ilauyut mikiyunit Inuit inuuliktut hilataanit Nunavumit, hapkoa tunhimaliktut kungiaktut talvatuak inuuyut Nunavumi.

## Kitkaniit Havaktut Inuit Nunavumi havaktut kavamatkuni

Hanianiitut 19,000 Nunavut Inuit ukiukaktut 15nik ovalo avataanut inuuyut Nunavumi ukiumi 2022, 48.1%mik havaktut, 10.5%mik havangitut ovalo 41.5%mik havaktunut ilaungitut.

## Naunaiyautaa 1 Havaktut kanugitjutait, kinauyunut, Nunavumi Inuit inuuyut Nunavumi, 2022




**Naunaiyautait):** Ilauyut Inuit ukiukaktut 15 ovalo avataanut.  
**Nakit:** Nunakakaakhimayut Kimilguugutainit-Nunavumi Inuit Ilanganit (5270).

Avataanit kitkanit (53.8%) Nunavumi Inuit havaktut 2022 havaktut kavamatkuni Nunavumi (Kavamatukatkuni, Nunavut Kavamatkuni, Havakviinit ovaluniit Hamletkuni ovaluniit nunalaani kavamatkut), aatjikutainit ukiumi 2017 (54.7%). Tahapkoa havaktut kavamatkuni 2022, Kavamatkut Nunavumi (Ilaungitut Havakviit) amigaitunik Havaktinaktut (52.6%), hapkonanit Hamletkut (31.2%), Havakviinit Nunavumi (10.1%) ovalo Kavamatukatkut Nunavumi (8.1%).

## Naunaiyautaa 2

### Kanugitunik kavamatkuni havaktiit, Kinauyut, Nunavumi Inuit inuuyut Nunavumi, 2022



**Nalungilutik:** Ilauyut Inuit ukiukaktut 15 ovalo avataanut. Katitigutait Kavamatukatkuni Nunavumi ovalo Inuit Havakviit Nunavumi ilaukatigiiktut Nunavumi Inuit kavamatkuni havaktut aknauyut ovalo angutauyut atuniaktut munagilugit. Inuit Havakviit Nunavumi ilauyut; Nunavumi Iliniakpiaaliviit, Qulliq Kulligiyiit, Nunavumi Iglukyualikiyiit, Nunavumi Busniinut Kuapurisitkut ovalo Nunavumi Hanatiligiyiit Kuapusitkut.

**Nakit:** Nunakakaakhimayut Kimilguugutainit – Nunavumi Inuit Ilanganit (5270).

## Nunavumi Inuit ilauyut kavamatkunit havakviit

Ilanganit Nunavumi Inuit ublumi havaliktut kavamatkuni (Ilaungitut kavamatkuungitut havaktut ovalo tahapkoa havangitut ovaluniit ilaungitut havaktunut) ukiumi 2022, hanianit 8mit 10nut (78.0%) havagumayut kavamatkuni Nunavumi hivunikhaini. Ilanganit Nunavumi Inuit ublumi havaktut Nunavumi, avataanungituk (71.8%) havagumayut kavamatkuni Nunavumi, hapkoa Hamletkunut (64.5%). Kitkanit (50.7%) havagumayut Inuit Havakviinit Nunavumi ovalo hanianit (47.2%) havagumayut Kavamatkuni Kanatami Nunavumi.

## Ilauyumayut ovalo nalungitut ayoikhaitjutikhainik kavamatkuni havakviinit


Ukiumi 2022, 21.2%mik Nunavumi Inuit nalungitut ilihagutikhainik, ayoikhaitjutikhainik, katimakatigiigutainik ovaluniit ayoikhailutik ayoigiaganik havaanik kavamatkuni havagiaganik, talvanit 17.6% Nunavumi Inuit kinikhiahimayut tuhagutikhainik. Tahapkoa kiniktut tuhagutikhainik, 45.5% nalvaahimayait kagitauyakut, 39.5% nalvaakhimayut kagitauyakuugutainit ovalo 24.8% pihimayait havakvianit.

Ilangait Nunavumi Inuit ilauyumayut kavamatkuni havakviinit ovalo havangitut kavamatkunit ukiumi 2022, hanianit (74.5%) ayoikhaiyumayut kavamatkuni havagiaganik, ovalo havaktinagit ayoikhaitjutait. Kagitauyanik (54.1%), havaanik tugaanganut (53.9%) ovalo kinikhiatjutainit (47.4%) ayoikhaitjutait naunaiyakhimayut ilauyumayunut.

Ukiumi 2022, Nunavumi Inuit havaktinagit ayoikhaiyumayut apigiyauhimayut ikayuklugit ayoikhaitjutikhainik. Ilanganit (67.4%) ihumavaktut ayoikhaitjutikhainik tunihimayainik angilgamini ikayuktauhimayut, ilanganut havaliklutik kavamatkuni ayoikhaitaagumik (65.9%). Ikayugutait piyaanganik kavamatkunit havaanik (58.8%) ovalo Uraasilikiyinit (56.7%) naunaiyakhimayut ikayugutainut Inuit havaktinagit ayoikhaitjutainik.

### Naunaiyautaa 3

### Kanugitut ikayugutait pihimayainit ilaukatauyumayunit Ayoikhaitjutainik, Nunavumi Inuit inuuyut Nunavumi ukiumi, 2022



**Nalungitutik:** Ilauyut Inuit ukiukaktut 15nik avataanutlu, havaktinagit ayoikhaiyumayut.  
**Nakit:** Nunakakaakhimayut Kimilguugutait – Nunavumi Inuit Ilanganit (5270).

### Nalungitpiit kagitauyakut uktugutikaktugut?

Pilugit kagitauyamit ovalo katitigutainik ayonaitumi! Hamani [StatsCAN](#) uktugutait pilaaktut akiitumik hamani [App Store](#) ovalo [Google Play](#).

## **Nalungilutik taiguaktut**

*Ilangit naunaiyautait hanianiitut 100%mut hanianuukhimayut ilaa kiuyut pilaamata amigaitunit apitkutainit*

### **Aatjikutuliugutait kitkanit 2022mi Nunakakaakhimayut Kimilguugutainit ovalo 2022mi Nunakakaakhimayut Kimilguugutait-Nunavumi Inuit Ilanganit**

*Nani 2022mi Nunakakaakhimayut Kimilguugutait (IPS) ilauyut tamamik Inuit inuullit Kanatami (Ovalo tamamik aalat Nunakakaakhimayut aalat), 2022mi Nunakakaakhimayut Kimilguugutait – Nunavumi Inuit Ilanganit (IPS–NIS) ilauyut Inuit Ilauhimayut ataanit Nunavumi Nunataagutainut.*

*Tuhafaagumaguvit, takulugit Ihumagiyait ovalo Atuktait Munagiyait Nunakakaakhimayut Inuit Kimilguugutait ovalo Nunakakaakhimayut Inuit Ilanganit inminik tuhaktiaktut kinauyaanganik Nunakakaakhimayunut. IPS–NIS, Nunavumi Inuit naunaiyakhimayut Inuuyunik tuhakitainit namut ilauihimayut ovaluniit Ilaukatauyut, Inuit Nunataagutainut ovalo kiuhihimayut, "Nunavumi Nunataagutit apigiyainit, "Kitunut Inuit Nunataagutainut?" Ilanganit kungiaktut Nunavumi Inuit ukiukaktut 15nik avataanutlu inuuyut Nunavumi iniktitlugit 2021 Katitigutainit.*

**Nunavumi Nunataagutait**, nalunaituugaluit Nunavum Nunataagutait Angigutainik, Angigutigiyayut atiktaihimaplutik Maymi 1993 Nunavut Federation of Nunavut (Tailiktut Nunavut Tunngavik Incorporated), Kavamatukatut ovalo Nunavumi Kavamatkut. Maligutait ilauihimayut titigakhimayut Ilangani 35 Nunataagutaini.

**Havaagutait** ukakhimayut Inuit, ubluani, havakhimayut ovaluniit havaagutikaktut ovaluniit havangitut.

**Havangitut** ukakhimayut Inuit, ubluani havangitut, havalaagaluakhutik havalalutik, kinikhiavaktut havakhainik ovaluniit havalahaaliktut.

**Havaktuniingitut** ukakhimayut havangitut ovaluniit havaktukhakangitut talvanit, ilauihimayut havalaitunut. Hapkoa ilauihimayut havaat kinikhiavaktut havangitut apitkutiktitlugit. Ilaa, Inuit munagingitut nutakanik, tahapkoa aalanik inminik ovaluniit ilakatigimik munagitjutikaktut ovalo Ilihaktut ihumaliktut ilaungitunut havaktunut.

**Ilauihimayut kavamatkuni havaktunut** ukaktut Inuit kiuhihimayut "angikhutik" ovaluniit "Havalaaktut" apitkutainit. "Havagumaviit Kavamatkuni ovaluniit Hamletkuni Nunavumi malgunik ukiuni?" ovalo tahapkoa ilauihimayut kiuhihimaplutik "angikhimayut" apitkutainik. "Ilauihimayut kavamatkuni ovaluniit Hamletkuni Nunavumi?"

**Kinauyut** ukaktut Inuit inminik ovalo kinauyaanganik angitunut, aknanut ovaluniit malgunik inuutjutikaktunut (Inuit ilaungitut avalitumik angutit ovaluniit aknait).

*Kinauyut ilauihimayut hapkoa:*

- Kinauyut naunaiyakhimayut, ukakhimaplutik kinauyuat Inuup ihumayut iluanut ovalo inminik;
- Kinauyut ukakhimayut, ukaktut kanuk Inuk inuuhimayuk, ukpatainit, ukautainit, pikataktainit ovaluniit atuktainit (Ilaa; aanugaangit, nuyait ovalo naunaiyagutaiat), kinguliani ilauihimayugaluit tugaakhimayainut kinauyut.

*Inuup kinauyaanganik aalatkiitut kinauyaanganik inuuhianit ovalo ublumi kinauyaanganik naunaiyautainut ovaluniit makpigaanganit, inuuviiinut, autlaagutainut ovaluniit akhaluutiktuktunut. Inuup kinauyaanganik aalangulaaktut ilaani.*

*Ilangit Inuit naunaiyakhimaitut kinauyaanganik.*

**Angitut+:** Kinauyut ilanganut "angutit" ilauihimayut angutit (ovaluniit Inuulgamiit), ovalo ilaungitut aalanut.

**Aknait+:** Kinauyut ilanganut

## **Naunaiyautait, katitigutait pihimayut ovalo kanuk: kimilguugutait naunaiyautaa 5270.**

Tuhafaagumaguvit ovaluniit apigiyumaguvit mikhaanut, atugutainik ovaluniit katitigutainik hapkoa, takulugit akiitumi hivatauyaani: (akiitut 1-800-263-1136; 514-283-8300; kagitauyami: [infostats@statcan.gc.ca](mailto:infostats@statcan.gc.ca)) ovaluniit kagitauyakut Munagiyut: ([statcan.mediahotline-ligneinfomedias.statcan@statcan.gc.ca](mailto:statcan.mediahotline-ligneinfomedias.statcan@statcan.gc.ca)).